



САМУРДИН

ссс

«Магъарамдхуърън район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 18 (7838) киш, 15-апрель, 2017- йис. Къимет 6 манат.

Халис сувариз элкъвена

6 - АПРЕЛДИЗ Магъарамдхуъре, «Гъик! яшамыш жезва кънши?» лишандик квай Дагъустандин Миннацдин проект тамамаруниз талукъарнавай мярекатар кыле фена.

Республикадин халкъарин арада дуствал хуьниз, муниципальный тешкилатрин арада авай алакъаяр мягъкемаруниз эвер гузвай проектдин мярекатар республикадин са жерге районрани тухванва.

→ 2



МИТИНГ КЪИЛЕ ФЕНА



8- АПРЕЛДИЗ Магъарамдхуъре Санкт-Петербургдин метрода хъайи мусибатдин дутьшуш-диз талукъарнавай терроризмдиз акси митинг кыле фена.

Митингдал администрациядин жавабдар работникри, волонтеры (гуьгъуьллу куьмекчи-яр), школьникри, жегъилрин парламентдин векилри, центрдал алай идарайрин ва учрежденныйрин работникри, хуьруьн агъалийри иштиракна.



Халис сувариз э л к ъ в е н а

1 ←

Мярекатда Дагъустандин милли политикадин рекъый министр Татьяна Гамалея, «Магъарамдхуруьн район» МР – дин къил Фарид Агъмедова, РД – дин Миннадин сотрудникри, МР – дин жавабдар работникри, Цийихуруьн ва Буткъазмайрин хуьрерин администрацийрин къилери, гъа и хуьрерин делега-

цийри, са жерге идарайрин руководителри, общественный организацияри, СМИ – дин векилри ва районэгийри иштиракна.

Центрдал алай школайрин аялри гъилера цуькверни аваз атанвай мугъманрин делегация Ватандин чехи дяведа телеф хъайибурун гуьмбетдал къаршиламишна. Фарид Агъмедовани Татьяна Гамалея ва Рафик Урду-

хановани (Буткъазмаяр) Рамиз Байрамова (Цийихуьр) гъиле авай цуькверин венокар гуьмбетдал эцигна. М.Гъажиеван тварунихъ галай школадин аялри мярекатдин иштиракчийриз и райондай дяведиз фейибурукай, абуру авур къегъалвилерикай ва Ватан патал чанар гайибурукай гъенеш информация авуна.

Татьяна Гамалея къейд авурвал, акъалтзавай несил ватанпересвилин гъиссералди тербияламишунин карда тарих чир хъуни, ам хъуни еке роль къугъвазва.

Гуьгъуьнлай къиле райондин руководство ва атанвай мугъманар авай дестеди райондин администрациядин гъаятда «Дуствиллин алея» лишандик кваз къелемар аклурна. Мугъманрихъ галаз виндихъ тварар къур хуьрерин администрацийрин къилерини къве хуьруьн дуствал мягъкемарунин лишан яз къелемар аклурна.

Мярекатдин шадвилер Россиядин халкъарин адетдин культурадин центрдин гъаятда давам хъана. Центрдин гъаятда атанвай мугъманар адет тирвал къелни фу гъаз, зурнедин ван къилеллаз къаршиламишна. Къве хуьруьн жегъилрин канат ялуни акъажунар къиле фена. Дагъустандин лайихлу артист, симинин пагъливан Ямудин Эгъмедханован гъилик гъазурвал



къачузвай «Гъунар» дестедин симинин пагъливанри чпин алакьунар къалурна.

Ахпа атанвай мугъманар центрдин гъаятда райондин искусствойрин школадин аялри члугунвай шикилрин выставкадиз килигна. Культурадин центрдин сад лагъай мертебада авай чи халкъди дегъзаманра ишлемишнавай, абурун тарих, культура къалурзавай алатрихъ галаз таниш хъана.

Гуьгуьнлай фойеда элкъвей столдин тешкилна. Элкъвей столдин квалахда хуьрерин администрацийрин кылери, образованийедин управлениедин, здравоохранениедин, общественный палатадин, женсоветдин векилри, ветеранрин союздин председателди ва масадбуру иштиракна. Элкъвей столдихъ республикадин халкъарин арада авай дуствал хуьнин ва давамарунин важиблувиликай геьенш суьгьбетар авуна.

Гуьгуьнлай мярекатдин иштиракчяр центрдин еке залдиз мугъман хъана. Залда мугъманриз центрдин художественный самодеятельностдин коллективди ва райондин искусствойрин школадин аялри гурлу концерт гъазурнавай.

Концерт башламишдалди МР –



дин администрациядин кьил Фарид Агъмедова, халкъарин арада дуствал хуьник, муниципальный тешкилатрин алакъаяр мягъкемаруник лайихлу пай кутунай Татьяна Владимировнадиз чухсагъул малумарна.

Татьяна Владимировнади, Миннацин «ГьикI яшамш жезва къунши?» проект таммарунин карда ихътин мярекатар гъазурай ва кыле тухвай «Магъарамдхуьруьн район» МР-дин кьил Фарид Агъмедоваз, общественный хатасузвал хуьнин рекъай МР-дин кьилин заместитель Зейнудин Азимо-

ваз ва образованийедин управлениедин начальникдин везифаяр вахтуналди таммарзавай Айна Гъажиевадиз чухсагъул малумарна.

Ахпа сегънедал экъечIай Билал Эскендерова, малим Рустам Къарибова, Фархад Абдурагъманова, Нажмудин Шагъбанова лагъай манийри, Магъарамдхуьруьн, Къепиркъазмайрин, Филерин школайрин аялри къалурай сегънейри, келай шиирри, «Магарамкент» ансамбльди авур къуьлери мярекат халис сувариз элкъвурна.

А. АЙДЕМИРОВА.



ЖЕГЪИЛ ПЕШЕКАРРИЗ ХЪСАН ЧЕШНЕ

ПАШАЕВ Сулейман Энверан хва 1949- йисан 3-мартдиз Ахцегь райондин Ялцугьрин хуьре дидедиз хъана. 1952- йисуз хуьр, пландин къайдада, Магьарамдхуьруьн райондин Советск хуьруьз куьч хъана.

1956-йисуз школадиз фена. Школа куьтгъай 1967-йисуз Киркарин юкъван школада старший пионервожатыйвиле кваллахна.

1968-йисуз Дагъустандин Гьукуматдин университетдин филологиядин факультетдин урус ва дагъустандин члаларин отделениедиз гъахъна, 1973-йисуз акъалтарна. 1973-1975-йисара Советрин Армияда офицер яз Ватандиз къуллугъна.

Райондин «Коммунизм патал» ва республикадин «Коммунист» газетриз макъалаяр ва очеркар кхъиз, гъеле школада клелзавай вахтунилай башламишна. Шиирар ва рассказарни кхъиз хъана. Аялар патал кхъенвай гъвечи литературадин эсерар «Кард», «Литературадин Дагъустан» ва маса журналризни акъатзавай.

Алай вахтунда Советск хуьруьн юкъван школадин лезги члаланни литературадин малимвиле кваллахзава ва эдебиятдал машгъл я. Ада гъакни вичин хайи хуьруьн тарихдикай «Ялцугьрин хуьр» ктаб акъуднава.

Ада араб, фарс члалал какахъна кхъенвай Ялцугь Эминан члалар Гъажиев Аллагъверди бубадихъ галаз цларба-цлар таржума авуна. Гъажи Сулеймана, малим яз, школада аялриз алава тарсар ва гуьруьшар къиле тухуз са шумуд йис я. Эгер виридакай рахун тавуртлани, чавай и мукъва йикъара шаир Сажидинахъ галаз тухвай мярекат къалуриз



жеда. И мярекат гъам аялриз, гъамни малимриз хуш хъунилай алава яз, чкадин телевидениедай къалурайла, са шумуд райондин жемьтдиз бегенмиш хъана Сулейман малимдиз чухсагъулар лагъана. Ихътин краралди Сулейман малимди жегъил пешекарриз хъсан чешне къалурзава.

И ктабда гъатнавай «Лезги шаиррин бендер» школада литературадин вечерар тухудайла ишлемиш жеда.

САЖИДИН.

Сулейман ПАШАЕВ

ВАТАН

*Хкъадайди туш Ватанни диде,
Ви дамах я ам хъунухъ вине.
Адалай багъа затI авайд туш,
Гъар инсандин лап риклиз я хуш.*

*Ватандикай на лагъанвай мани,
Гуьгъуьлдиз жеда къадарсуз клани.
Яд авачирла, цайи тар къурада,
Ватан авачирла инсан цIрада.*

*Ватандин къадир гъурбатда жеда чир,
Душмандин вилик гардан ийимир клир.
Имандин са пай – «клан хъунухъ Ватан»,
Эркекдин буржи- Ватан хуьн жуван.*

ДИДЕ

*«Женнет дидед кIвачерик ква»,
Луьгъур гафар керчек я.
Мани ягъай лайлайдин ван,
Назик гъилер- ипек я.*

*Диде, вун гекъиззава мелекдив,
За ви тIвар къазва гъуьрметдив.
Гъалал ая на гайи нек,
Вун я дуьньядал багърид тек.*

*Вун- чи хиялрин эрзиман диде,
Игитар тербияламишай къагъриман диде.
Къадар авач на чуьгур къван зегъметрин,
Пай гурай ваз женнетрикай няметрин.*

АЯЛ АЗИЗ, ТЕРБИЯ ГЪАДАЛАЙНИ АЗИЗ

Аялар чеб- чепелукъар,
Женнетдай чаз ракъанавай.
Хуьн паталди- аманатар,
Вахтуналди вуганавай.

Чагъа авай квал кье шад я,
Гъвечидалай вил элкъуьриз.
Диде- бубад ам мурад я,
Къужахдаваз къекъуьр ийиз.

Бала куьрпе – жедач фитне,
Вири фикир адал жеда.
Сада садаз ядач тегъне,
Квалин кьене садвал жеда.

Гъикъван гайтан балад назар,
Чехибуруз пара шад я.
Диде буба жедач бизар,
Велед абруз багъа хад я.

Аял къепинамаз, дана епинамаз,
Чи лезгийрин мисал жеда.
Дуьз тербия таганамаз,
Риклин кьене пис тлал жеда.

ДИДЕ - БУБА

Диде- буба къурла вине,
Аллагъ чалай рази жеда.
Хайибур яз кутур бине,
Кутьягъ тежер рузи жеда.

Аллагъ пачагъ, диде- буба,
Дуьньядин лап даяхар я.
Муьтлуьгъ хьуниз герек зурба,
Рехъ къалуриз пайдахар я.

Аял хуьниз дидед зегъмет,
Дагъларилай язва пара.
Вахгун патал адан гъуьрмет,
Гъар са касди ая чара.

Чун фад члехи хьун паталди,
Диде- буба чал алахъна.
Вакай инсан хьун паталди,
Югъ- йиф талгъуз гирт кваллахна.

Гъар са касди хъай(и)ла члехи,
Иладрин гъахъ вахгун герек.
Агъсакъал яз чларар рехи,
Худад патай адаз кумек.

ГЪВЕЧИ ИГИТ АБДУЛВАГЪАБАЗ

Январдин вацра Магъарамдхуьруьн райондин Ярагъкъазмай-
рин СОШ- дин къуд лагъай классдин ученик Абдулвагъаб Жафа-
рова къабулай тади серенжемрин нетижада вичин диде угар-
ный газдилай зегъерламиш хьуникай хвена. Адан кьегъалвал
районда, республикадани кьейдна.

Диде гъатайла завалдин хура,
Тади къайгъуяр къабулна вуна.
Гъич клусни вун табдил тахъана
Аллагъди хуьй, я чан Абдул.

Вирида ийизва валай тариф,
Алудна на чулаз тир йиф.
Зар ракъини къакъудна циф
Уьмуьр яргъи гуй ваз, хтул.

Районди ваз къимет гана,
МЧС – ди гъуьрмет уна.

Жегъиларин министрди
Авуна лап тарифар бул.

Ви дережа къакъан хьурай,
Вакай зурба инсан хьурай.
Лайихарин лап сан гурай
Мергъяматдиз яна дуеул.

Инсан хъайла, зурба- зирек,
Вирдаз жеда ад(а)кай кумек.
Ихътин ксар я чаз герек
Гафарал и чулгъазва къул.

АЛЛАГЪДИН ПАК НУР ВИ ВИНЕЛ АЛАЗ ХЪУЙ

(Тарикъатдин шейх- муршид

Мугъаммад- аль- Ярагъи эфендидиз бахшзава)

Цийи илим тарикъатдин бине я,
Суфизмадин сирер авай чешне
Шариатдин лап гуьзел тир чешме я,
Аллагъдин пак нур ви винел алаз хъуй.

«Алимривай жузаз шак алай сирер,
Пайгъамбардин гъадис чира на иер.»
Ахпа гуда илимди халис бегъер,
Аллагъдин пак нур ви винел алаз хъуй.

Азадвилехъ эверна на эллериз,
Садвилехъ физ чирна вуна бендейриз.
Худадилай масабуроз муьтлуьгъ тежез,
Аллагъдин пак нур ви винел алаз хъуй.

Тарикъат им я хуьн риклин, акъулдин михъивал,
Ички хъункай, зияндкай, байгъушрикай яргъавал,
Сад тир агъадиз лап ихласвилелди мукъавал,
Аллагъдин пак нур ви винел алаз хъуй.

Муршид хъана, вун къуд имамдин къакъан,
Гъамзатан, муькуьбурун ва Шамилан.
Дин- имандин дуьньядиз акъудай ван,
Аллагъдин пак нур ви винел алаз хъуй.

«Асар» ктабда тарикъатдин дибар къаланва,
Дин имандин ам лап хазина хъанава.
Аллагъдилай гъейри масадан лукл жемир лагъанва,
Аллагъдин пак нур ви винел алаз хъуй.



РАЙОНДА СИФТЕ ЯЗ САД ЛАГЪАЙ ФОРУМ

7 - АПРЕЛДИЗ Магъарамдхуъре авай Россиядин халкъарин адетдин культурадин центрда Магъарамдхуъруън ва С.Стальский районрин яратмишунрин интеллигенциядин иштираквал аваз шаиррин сад лагъай форум кыле фена.

Форумдиз «Куьредин ярар» культурадин центрдин комитетдин председатель Агъмедпаша Агъмедпашаев, С.Стальский райондин ЛПСдин председатель Абидин Камилов, шаир Сажидин Саидгъасанов, 2016- йисуз Магъарамдхуъруън районда «Самурдин авазар» тIвар алаз акъатнавай ктабда гъатнавай авторар ва са жерге мугъманар атанвай.

Форум тебрикдин гаф рахуналди Магъарамдхуъруън районда авай «Куьредин ярар» макандин постуниин председатель Фахрудин Насрединова ачухна ва кыле тухвана.

Форумдал акъалтзавай жегилриз къуват гунин, районда шииратдин югъ тайнарунин ва яратмишзавайбурун культурный центр тешкилу-

нин гъакъиндай месэлайриз килигна.

Гаф гана рахай Агъмедпаша Агъмедпашаева, мярекатдин иштиракчияр «Куьредин ярар» журналдин цийи нумрадихъ галаз танишарна. Идалай кьерехдай журналдин редакторди Фахрудин Насрединоваз чапнавай «Самурдин авазар» ктаб тебрикна ва ам дугъриданни къунши районар патал чешне къачудай кIвалах хъанвайди лагъана.

Атанвай мугъманри кьейд авурвал, ихътин тешкилатрин кIвалахди чIал хуъниз, вилик тухуниз, лезги халкъдин культура ва адетар хуъниз, лезги халкъдин ва патарив гвай халкъарин арада алакъяар мягкемаруниз рехъ гуда

Форумдал рахай «Культурадин отдел МКУК- дин директор Эседуллагъ Селимова, РД-дин лайихлу малим Шагъназ Рагъимхановади, РФ- дин писателрин Союздин член, дидедин чIалан малим Мукаил Агъмедова, шаир Нурудин Насруллаева, РД- дин лайихлу артист Изам Улубекова, малим Саласа Гъажиметовади ва «Самурдин авазар» ктабдин са жерге

авторри кьенин юкъяуз чIал квахъунин хаталувиликай, ам хуьдай рекъерикай, кхъинрин яратмишунрин рекъе ацалтзавай четинвилерикай, ихътин форумра художникрин, композиторрин, манидаррин иштираквал чарасуз тирдакай лагъана ва абуру чпи кхъенвай гъеле чап тавунвай шиирар, гъикаяяр кIелна.

Эхирдай «Куьредин ярар» культурадин центрди ва лезги писателрин союздин районделениеди, халкъдиз, Ватандиз намуслувилелди къуллугъ авунай, меденият, эдебият вилик тухунин кардик кьетIен пай кутунай Фахрудин Насрединоваз, Алаудин Сайидоваз, Руслан Керимхановаз, Нисред Алирзаеваз, Афисат Айдемировадиз Гъуьрметдин грамотаяр ва са жерге авторриз рикIел аламукъдай пишкешар гана.

Форумдал гъар йисуз 7 – апрель Магъарамдхуъруън районда шииратдин югъ яз кьейд авун ва тешкилатдихъ вичин фонд туклюьрун къарардиз къачуна.

А. АЙДЕМИРОВА.

Памятка для потребителя выбор качественных продуктов питания

МНОГООБРАЗИЕ продуктов на прилавках магазинов сегодня дает покупателю неограниченную свободу выбирать для своего стола то, что ему нравится. Но это же многообразие порой ставит потребителя в тупик, поскольку производителей и названий продуктов много, а понимания, что из них предпочесть - мало.

Ответ на главный вопрос - как выбрать качественные и недорогие продукты, часто лежит на поверхности, стоит лишь внимательно присмотреться к самим товарам и информации, которая указана на них.

Есть один несложный алгоритм действий, как правильно выбирать продукты питания, придерживаясь которого, вы без труда сможете определить для себя те марки, которые будут не только вкусными, но и полезными, и при этом не самыми дорогими.

Правила выбора качественных продуктов

1. Внимательно изучите название.

В большинстве случаев стандартное название продукта - синоним качества, соответствующего государственному стандарту. То есть только «Сметана», и никакой «Сметанки» или «Сметановны», только «Сгущенное молоко», а не «Продукт молочный с сахаром» и т.д.

2. Выбирайте те продукты, на которых указано соответствие ГОСТу.

ГОСТ - это совокупность требований к качеству продукта, установленных государством. Соответствие этим требованиям означает, что изделие безопасно для употребления и произведено с соблюдением всех необходимых норм. Зная, какому ГОСТу должен соответствовать тот или иной товар и найдя его упоминание на этикетке, вы точно обезопасите себе от откровенных подделок.

В большинстве случаев производители, декларирующие соответствие своей продукции ГОСТу, не рискуют включать в состав той же сметаны или вареной колбасы ингредиенты, не предусмотренные стандартами.

Другое дело - ТУ или технические условия, указанные на банке. Нормативы таких условий могут прописать сами заводы-производители, а значит, включить в состав своей продукции все, что пожелают, в том числе вредные компоненты, не предусмотренные ГОСТом.

3. Качественный товар не может быть самым дешевым.

Конечно, покупая продукты самой низкой стоимости, не нужно надеяться на хорошее качество, несмотря на красивые обещания на этикетке. Такой производитель будет прежде всего экономить на сырье, используя самые дешевые и вредные составляющие. Но и самые дорогие товары - не гарант идеального состава. Часто мы переплачиваем за марку и название, получая к обеденному столу продукты с самыми обычными свойствами.

Решая проблему, как правильно выбирать продукты, лучше всего предпочесть товары средней ценовой категории. С учетом большой конкуренции, их изготовители стремятся завоевать покупателей именно качеством своей продовольственной продукции.

4. Выбирайте известных крупных производителей.

Этот пункт правил, как выбрать качественные продукты в магазине, тесно связан с предыдущим. Крупные производители товаров с хорошей репутацией, рассчитывающие на большой спрос, не станут рисковать своим добрым именем ради минутной выгоды. В большинстве случаев их продукции можно доверять. За редким исключением.

5. Всегда смотрите на внешний вид изделия.

Видите на прилавке помятую упаковку, деформированные бан-

ки, застарелые подтеки или чувствуете неприятный запах - проходите мимо. Все это признаки неправильного хранения, нарушений условий перевозки и истечения срока годности. Продукты питания, которые мы выбираем для нашего стола, должны радовать не только желудок, но и глаз.

6. Проверяйте срок годности.

У каждого продовольственного продукта есть свой срок годности, по истечении которого он является непригодным к употреблению. Чем меньше общий срок годности, тем меньше консервантов и стабилизаторов в его составе. Видите перебитые несколько раз цифры на упаковке - продукт упаковывали уже несвежим. А уж если выбрали и принесли домой товар с истекшим сроком годности - имеете полное право вернуть его обратно. Магазин обязан принять испорченный товар и отдать покупателю деньги.

7. Изучайте состав на этикетке.

Информацию на упаковке печатают не просто так. Там можно найти и все Е-добавки (вредные и не очень), и все заменители натуральных составляющих, и содержание белков, жиров и витаминов, и зачастую даже калорийность. Так, не пробуя на вкус, можно заранее исключить из своего рациона те продукты, которые вызывают опасение, и выбрать наиболее соответствующие вашим представлениям о полезной пище.

Надеемся, что эти несложные правила, как выбирать продукты правильно и с пользой для здоровья, помогут вам сориентироваться в огромном мире гастрономического разнообразия. А на заметку - советы, как определять качество самых популярных товаров.

САНЭПДНАДЗОР.

АМАТАР, ДЕЛИЛАР, ГЪАКЪИКЪАТАР

ЧАРЛЪЗ Берлица 1970- йисарин юкьвара Бермудский треугольникди ктаб акъудайдалай гуьгъуьниз и месэладин гъакъиндай акъатай брошюрарин, макъалайрин, журналрин, телевидениедин программарин кьадар-гъисаб хъанач. Мягътел жедай кар я, гзаф гимияр ва самолетар лап хъсан гъава авай, алахъай йикъарани квахъиз хъана. Мадни мягътел жезвайди а кардал я хьи, ихътин сирлу мусибатрилай гуьгъуьниз батмиш хъайи гимийрин ва самолетрин гъич гелни амукъ тийиз хъана.

Бермуддин сирерикай виридалайни кьил акъат тийидайди 19- звено квахъун я. Адетдин ученияр тухун патал тренировкаяр тухудай гимидилай къарагъай 19- звено цавуз хкаж хъайи са шумуд декъикъадилай квахъна.

Звено Флоридадин кьерехриз мукъва яз виликди физвай. Сятдин кьуд жез 15 минут амаз дежурный операторди звенодин командир лейтенант Чарльз Тейлоралай къурху кутадай хътин сигналар къабулна. Адан гафарай малум жезвайвал, вири самолетрин приборар гуьзчивиликай хкатнава.

-Куьн исятда гъинва?- хабар кьуна операторди. Тейлораз чеб гъина аватла чизвачир.

-Вири къайдадикай хкатнава. Чи эхир хъанва. Вучиз ятлани, гъуьлни къайдада авач, - гъарайзавай командирди. Адан эхиримжи гафар ихътинбур

тир: «Аллагъдин хатур аватлани чи гуьгъуьниз касни татурай.

Тейлорахъ яб акалнач. Мусибат кьиле фейи тахминан чкадиз лув гудай «Мартин Маринер» луйткве рекъе туна. Къутармишиз фейибурни треугольникда гел галачиз квахъна. Звено телеф хъайи чкадиз акакъдамазни лув гудай луйткведин приборарни къайдадикай хкатна ва куьмекдиз фейи 13 касни кьена. 19- звено телефон хъайи чка ва себеб гилани сир яз ама.

* * *

ЦИН кланик акъвазунай дуьньядин рекорд Роберт Фостера кьуна. 32- йиса авай а кас 3,05 метрдин дегънеда 13 минутни 42 секундда акъвазна.

* * *

35 ЙИСА авай ДЖ. Бинхуади са мугъманханада швейцарвиле кваллахзава. Адахъ инанмиш тежедай хътин кьенепатан энергия ава: адан бедендин гъинал яд авай къаб эцигайтлани, ам ргада.

* * *

ДУЪНЪЯДА виридалайни къакъан инсан Тунисда яшаммиш жезва. Ам Радуан Шербиб я. 29 йиса авай адан яръивал 2,35 метр я. Пакистанви Мугъаммад Алан Чопан адалай 2 сантиметрдин куьруь я. Шербибан заланвал 116 килограмм я.

Материалар жуьреба-жуьре чешмейрай кватла таржума авурди Р. МУРАДАЛИЕВ я.

Камаллуйрин меслятар

*Эгер куьн гъахъ туштла, и кар чуьнуьх тавуна хиве яхъ.

*Сутьбетчидихъ яб акализ вердишара. Ада вичикай сутьбет ийидайвал руьгъламиша.

*Маса касдиз гзаф рахдай мумкинвал це, адан сутьбет кьатмир ва жуе тлимил рахаз чалишмиш хъухъ.

*Куьне лагъай фикир патав гвайдаз вичинди хъиз гъисабдай мумкинвал це.

ОБЪЯВЛЕНИЕ

ПТИЦЕФАБРИКА «Гюней» (Магарамкентский район, с. Оружба) объявляет конкурс на должность производственный рабочий убойного цеха.

График ненормированный, оплата сдельная высокая (от 1000 рублей за смену и выше), оформление по ТК, оплата больничных, отпусков. Дополнительно компенсируются транспортные расходы, дотации на питание, спецодежда.

Требование: возраст 20-55 лет, крепкое физическое здоровье, выносливость, наличие медицинской книжки.

Обр.по номеру:
8-928-057-74-79

Ярагъкъазмайрин СОШ-дин 11- класс кутьягъайдан гъакъиндай 1993- йисуз Алиева Имаратаз гайи 05 АБ 0006342- нумрадин аттестат квахъуниз килигна къуватда амачирди яз гъисабин.

**Къилин редактор
А. А. ИСМАИЛОВ.**

Редакциядин адрес:

368780. РД, Магъарамдхуьруьн район, Магъарамдхуьр, Ленинан куьче.

Газет гъафтеда садра акъатзава.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.
Чапун патал къул члугуна- 15.00.**

Газет ООО «Самур» типографияда гъазурна ва гъана чална. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги члал.
**Индекс 63340. Тираж 1400.
Заказ № 18.**

6+